



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Bartholomæi Salutij Reformierten Franciscaner  
SeelenParadeis**

**Cambi, Bartolomeo**

**München, 1623**

14. Der Seelen Gespräch mit jhr selber.

**urn:nbn:de:hbz:466:1-45572**

sicht/ der H. Erz erbarme sich deiner/ vnd  
schencke dir den Frieden. Der wölle dir/  
liebe Schwester/ seinen göttlichen Ses  
gen verleyhen vnd mittheilen.

Seel. Amen.

### Das 14. Capitel.

## Der Seelen Gespräch mit Ihr selber.

**D**u Seel alleinig. Siehe nun  
du vnd anckbare Seel/ wie fast  
vnd inniglich dich der H. Erz  
liebet. Siehe wie hat er vber dich so gros  
se sorg/ die du doch die schlechteste vnd  
verächtlichste Creatur bist. Siehe was  
dir Gott / den du mit deinen Sünden  
vnd Lastern so hefftig erzürnet hast/ für  
grosse Gnad beweist/ vnd zu dir / die du  
die höllische Peyn verdient/ seinen heiliz  
gen Engel sendet / der dich in allem vns  
der weise/ vnd den Weeg zaige/ den Hers  
ren zu finden/ vnd zu ihm einzugehen.  
Gedenck dessen/ du vnd anckbare Seel/  
f vnd

vnd liebe disen Gott/ der dich so Väterlich  
lich liebt.

O du mein JEsu/ was soll ich von  
deinetwegen thun / der du so vil thuest  
vonmeinetwegen? Wie soll ich dir du  
mein aller süssester Bräutigam so vil herz  
liche mir erzaiete Wohltharen widergela  
ten? Wie kan ich dich / O du mein allers  
schönster Bräutigamb für so vil grosse  
Gnad vnd Gunst gnugsamb loben? O  
du mein aller süsseste Lieb / dir sage ich  
höchstes Lob vnd Danck / so vil dir je vnd  
allweg von deinen Creaturen kan gesche  
hen / vnd wann es mir möglich were /  
wolt ich dir alles Lob singen vnd sagen /  
alle Ehr beweisen vnd erzeigen / allen  
Danck vnderthenigist laisten / wie es  
sich gegen deiner Majestät gebührt vnd  
zimmet. Dieweiln ich aber solches nit  
kan / so befleisse ich mich doch alles / was  
möglich seyn kan / krafft deiner heiligen  
hülff zu vollziehen. Derhalben wünsch  
vnd beger ich / daß alle deine Geschöpff  
Se seyn sichtbar oder unsichtbarlich / dein  
Lob

Lob verkünden / vnd dir alle Ehrerbies-  
 tung erzaigen / meinem Gott vnd meis-  
 nem Vatter dancksagen / dem Vatter / dem  
 Sohn / vnd dem H. Geist. Amē. Amen.

Hilff mir du mein aller süßester Gott /  
 damit ich jederzeit deinen Göttlichen  
 Willen vollbringe. Verleyhe mir dein  
 heilige Lieb / mittheile mir dein Gnad /  
 damit ich auff diesem Weeg der vollkom-  
 menheit zu deinem Lob / Ehr vnd Preyß  
 einen guten fortgang gewinnen möge /  
 Amen.

### Das 15. Capitel.

## Von dem beschawlichen Leben

**E**ngel. Der Fried deines  
 Bräutigāß sey mit dir / Schwe-  
 ster mein / liebe Seel / wie geht  
 es dir?

Seel. O du mein allerliebster / wie  
 ist mir dein Widerkunfft so erwünscht  
 vnd angenehm ! O wie hab ich ein so  
 großes